

pas de faire des voyages, principalement vers<sup>f</sup> l'hyver. Le Conte d'Ollach<sup>3</sup> y doibt estre allé, ie luy ay parlé en passant par ce pays. Quant a ceux, qui s'efforcent vous oster vostre liberté, au lieu ou vous seiournez, ie ne pense pas qu'ils censent autre chose, que la vaine vanterie et la commodité d'estre entretenu a voz despens ou<sup>8</sup> d'en tirer profit, tellement que ie conseilerois de fuyr telles incommoditez, et vous absenter quelque temps en un lieu, ou vous seriez plus retiré et a vostre aise, ainsi que ie ne trouve pour encore lieu plus commode a cela, que Florence;<sup>4</sup> non<sup>b</sup> obstant voz raisons au contraire alleguez, lesquelles sont bien faciles a distendre principalement pour vostre frere Ernest,<sup>15</sup> la langue y est<sup>j</sup> quant et<sup>6</sup> la conversation meilleure, et des exercices on n'y a faulte, mais il vous faudra premierement louer la une maison avec<sup>k</sup> l'ayde du Bissini,<sup>7</sup> et vous y accommoder, avant que baiser les mains a Madame<sup>l</sup> l'Archiduchesse,<sup>8</sup> et en l'audience mesme luy donner a cognoistre vostre intention, laquelle est de vous tenir retiré, et encores que Madame vous regalera<sup>m</sup> aulcunefois par des rafraischissemens accoustuméz, toutesfois cela ne vous pourra empescher, de demeurer incognu, pourvu que le desiriez estre vous mesmes. Bastiano de' Rossi<sup>9</sup> m'a fort remercié de la Cantique,<sup>10</sup> que luy avez faict donner par la main de Viatis<sup>11</sup> en Venise, il<sup>n</sup> ne sçavoit d'ou cela venoit, et s'en est retourné a Florence, et vous y pourra servir et a vostre frere, quant et mon<sup>o</sup> secretaire Bissini. Monsieur Cnesebec vous monstrera encores une liste des livres,<sup>12</sup> que ie desire, surquoy pourrez parler a ces deux la<sup>p</sup>. Pour le voyage de Rome, Nape[s]<sup>q</sup> ou Malte, ie le desconseille fort,<sup>13</sup> a cause de plusieurs raisons, principalement du danger des pyrates, ou corsairs, lesquels s'augmenteront et ne diminueront point, estant maintenant allechéz par les bons butins. [1v] Vous recevrez aussi les livres que me demandiez, et pource que la seconde sepmaine du Bartas<sup>14</sup> est un volum[e]<sup>q</sup> grand, malaysé a porter, ie rien envoie qu'un exemplaire, et<sup>r</sup> des autres deux. ie le laisse a vostre disposition, si le voulez donner ou a la nation de Padove, ou<sup>s</sup> de Sienes<sup>15</sup> ou all'Accademia della Crusca, de laquelle est secretaire<sup>t</sup> le susdict Rossi. Les Cossagues s'en<sup>u</sup> sont retournez<sup>v</sup>, d'autant que les Tartares avoyent<sup>w</sup> envahis, leur pays.<sup>16</sup> Les particularitez de la retraicte du Duc Cristian<sup>17</sup> vous seront racontez par le present porteur, et ce que nous sçavons encores de sa defaicte. Le Roy de Dennemarc<sup>18</sup> est au pays de Brunshwig, et luy a on deferé la defence du circle bas de la Sassonie ce qu'il a accepté, le Colonel Fuchs,<sup>19</sup> est au service de l'aisne Duc de Brunshwig a Wulffenbuttel, duquel s'est absenté sa femme la Duchesse, pour des lettres interceptes en la defaicte du Duc de lauenbourg.<sup>20</sup> Nous desirons fort la paix en ces quartiers<sup>x</sup>, Dieu nous<sup>u</sup> la donne, et durable<sup>y</sup>. En brief vous sera envoye lo studio de gli affetti sani,<sup>21</sup> le quel s'imprime<sup>z</sup> maintenant icy, et sa traduction en Allemand faicte de l'amer,<sup>22</sup> qui est chez vous, suyvra incontinent. Je me delecte en la lecture de la vie d'Apollonius Tianeus, traduit en Jtalien du Grec, et intitulé Filostrato,<sup>23</sup> et ay trouvé parmy les traictéz du Boccaccio un autre<sup>u</sup> intitulé labirinto d'amore,<sup>24</sup> le quel est<sup>z</sup> fort approprié aux mauvaises femmes de ce temps icy, Dieu nous en<sup>aa</sup> garde<sup>bb</sup>, J'espere que vostre frere profitera bien en la<sup>cc</sup> langue Jtalienne, mais il faudra qu'il prenne stance ferme<sup>25</sup> pour une couple d'années, et qu'il mesnage bien quant et vous. Voila ce que ie vous vois